

筆記小說大觀

集

臺

灣

外

紀

第五冊

清江日昇識

進步書局校印

平也
山也
光也
也
也

卷之
外
紀
年
紀
年

紀
年

臺灣外記卷十九

清 九閩珠浦東旭氏江日昇識

平福省范公死節

戰龍江許耀逃竄

康熙十五年丙辰附明永曆三十年正月朔清晨原福建總督范承謨被耿精忠禁于幽室身帶械索望北九叩起又將炭燼畫于壁上題詩曰春回兩鬢復霜侵

愁病翩翩次第尋

餐雪三年如一日

傾葵百兩結同心

遙依北斗同陽雁

何日南薰待舜琴

拜舞但能長叩首

糝糊淚眼白雲深

初三日劉進忠合國軒何祐江勝等軍逼戰國棟果不敢敵惟有退師而已於是進

忠軍威大震鄭經得進忠兩次捷報又令邱輝楊彥敵洪邦柱李虎等水師大小船

五十餘號楊帆從碣石衛合攻碣石總兵苗之秀奉之信令提師駐劄程鄉縣其守

碣石將見之信屢敗又舢舨遍海隨脅其夫人鄭氏降夫人無奈詣進忠軍前納款

進忠允許令夫人馳書與之秀秀接書舉眾剪辮降忠請于經經授之秀為滅國將

軍城鄉一路盡為鄭有進忠既得碣石分一旅以吳六奇之三子振義鎮吳啟鎮六

奇之六子奮義鎮吳啟宮為前導引洪羽等從通判府由蛇坑而出合苗之秀師攻

興寧長樂等縣會于惠州府。又令何祐督一旅從事來縣而進。進忠與國軒整大隊至海豐。國棟聞忠師將至。不敢與敵。遂焚營盤。與嚴自明退守羊蹄嶺。南監柵結寨。飛報海賊船隻由靖海甲子所登岸。欲從平山出抄其後。國棟則棄羊蹄嶺柵寨。與自明星夜遁入惠州府。進忠偵知。兼程尾追。列營將城圍困。差人說之。國棟賞其差者出。各分城守禦。自明守惠州府。國棟守歸善縣。列柵安砲於水當街。兩邊提防。玲瓏相通。忠與國軒亦分諸鎮開壕築砲臺。日夜攻擊。但惠州府二面環流。一面是湖。惟西南角是路。其歸善縣三面是水。一面是山。其城環在山中。故難攻打。況水路可通廣省。糧餉火藥不時接濟。進忠謂軒曰。今惠州雖圍。而水道尚可通。須當進攻博羅縣。若博羅一得。斷其水路。惠州自危也。公督諸鎮圍二鎮。俟弟提一旅渡河攻之。軒以為是。正欲分師。值洪羽苗之秀等由平和連平州龍州河源至惠。進忠令羽同行。迨至博羅。覘其城半枕山。半環溪。遂取河州。屯眾上下。以扼往來接應。築砲臺攻打。令軍士齊倚雲梯。親隨一營黃經邦與火攻營曾大用二將領先鋒奮勇奪先。鼓眾而上。被城上矢石藥桶打下。經邦大用俱為石壓死。將士填滿濠溝。乃退。吳三桂遣將軍馬雄郭義率眾寇廣西。總督金光祖從梧州夜遁。報失印。尚可喜老病不能

主事將兵馬軍務交于安達公之信。信嚴整軍旅。修葺城池。二月。報馬雄統眾逼新會。信遣趙天元、謝厥扶率眾禦之。元扶陰納款。屯三水縣。而邱煇、楊彥敵、洪邦柱、李虎等。舟師逼靖海。進忠以博羅未下。隨馳令邱煇以所轄水師由虎頭門而進。以作聲援。郝煇即督諸船至虎門。守東莞總兵張國勳遣人至博羅軍前。見精忠投降。忠大悅。令江勝督李雲、鄭國選、劉成良等屯石濃。其新安龍門諸縣望風悉降。進忠飛報鄭經。經授張國勳為征粵將軍。檄進忠速攻惠州。撲滅此賊。庶水陸並進。可合擊粵東。尚之信見吳鄭兩處之兵合至。而郡縣兵將咸瓦解叛去。欲分兵出去。兵寡力單。隨遣官往三水見馬雄、郭義。願剪辮歸降。雄義允其請。按兵三水。差人齎之信。印冊降書。往湖廣見三桂。三月。桂馳封之信。輔德公又勸其與鄭經連和。並諭馬雄、郭義為兩家排解。分界各守邊疆。無事征伐。會師齊出江右。之信既剪辮降。周遂遵三桂之勸。令人至惠州。檄王國棟嚴自明。撤師回省。退讓惠州歸善、博羅二縣與進忠。仍遣使通好。並餽送馬匹、弓矢、幣帛。馬雄將軍亦奉三桂令。隨差官知會尚之信。同到博羅軍前。見進忠國軒。傳述三桂以東莞、新安、石濃為界。退讓惠州歸善、博羅二縣。進忠國軒從其議。即撤圍。國棟與自明刻將兵馬回廣省。進忠國軒入城安民。

秋毫無犯。飛捷報鄭經。經又接馬雄諸將軍公啟。暨勇威將軍秦彝伯郭義私啟。有曰。

銅山當日鷁首業已向東。一時忽被所脅而入。實非己意。告罪圖報將來云云。

經答以手札有曰。

銅山之變。實非將軍之意。本藩業已稔知其詳。覽啟知忠義之氣凜凜。故主之恩戀戀。當努力馳驅。克奏大功。其所以報効周王者。即所以報効本藩也。勉旃。勉旃。經即以鄭珍英為惠州府鹽政使。以南靖知縣羅士倫為惠州知府。江美鰲為連平知州。改海陽知縣童士超為東莞知縣。以林良瑞為海陽知縣。張芳勝為龍州知縣。餘悉原職。令國軒守惠州。劉進忠同何祐。江勝。林陞。林應。洪羽。王一新。劉成良。洪有魁。曾偉。鄭國選。施鳳。陳大烈等。回潮州。候與吳三桂會師出江西。以許贊為漳泉二府學道。以潮州知府王仕雲為惠湖二府學道。且褒仕雲有江南宿學。領表名臣之句。差禮部都事林貴。齎書並幣帛。倭刀鹿銃入廣東。答輔德公尚之信禮。知會出師日期。又修書有曰。

六師將帥。努力爭先。固已早禡醜魄矣。今既翻然悔悟。共伸大義。百粵悉入版圖。

兵貴神速。未可坐老。惟祈殿下統滇黔秦楚勁旅。不佞率舳艫入瓜鎮。遣諸將出豫章。共清中原。同拜孝陵。俾史澤垂馨。河山永誓云云。

遣甘督陳文煥往湖廣。見三桂。約會師。耿精忠接吳三桂報。百粵已平。疆界連通。速當合師江南之約。即令總兵蔡達帶其本部兵士往汀州協守。代懷遠將軍五軍都督馬應麟督師出兵攻瑞金。與將軍朱飛熊楊明等合取贛州。並囑相機圖事。應麟見達到。遂請入城。厚待達。暨其所部諸將。應麟思精忠不以蔡達勁旅從征。而以達兵守。必有圖己之意。密布設伏。防範周至。方率眾出寇瑞金。又令總管周應時從間往漳州通鄭經。欲獻汀州。經得應麟啟。與馮錫範陳繩武商議。武曰。招降納叛。今正其時。豈有與而不取者乎。經曰。業與耿藩和好。取之誠恐為天下笑。武曰。天下者乃天下之天下。豈耿藩之所自有。惟有德者居之。今耿藩失望。應麟擇主而事。安可棄之以失天下英雄向慕之心。錫藩曰。得尺守尺。時不可失。汀州若得。便規取邵武。而圖全閩也。經依二人議。遣都事林貴齎書報精忠曰。

字內既平。今欲命將分水陸並進。水者由瓜鎮陸者由江右。大會吳藩取江南。但汀州必經之道。願借一往。

四月初一日。經令吳淑督萬人入汀州以觀其變。淑過永定上杭二縣。約束部伍。草木無動。徐徐而進。十三日。到汀州。駐劄東教場。聲言候齊出師。客主相安。周應時得鄭經密諭。星夜馳應麟營。詳陳始末。時應麟方陷瑞金。即於二十八日回兵。令黃助趙時可先到汀州。報蔡達曰。鄭師借道。恐其有變。故將軍兼程回師。共守城池。達曰。鄭師正是欲與將軍同出江右者。將軍業得瑞金。何得撤師而還。必有別意。隨督其部將分兵上城。閉門嚴守。不納。五月十八日。應麟提師報到。知達據城將兵屯羅漢嶺。謁吳淑請計。淑曰。將軍兵士眷口。悉在城內。彼孤軍決難遏制。速攻之。必有應也。遲恐援師至矣。遂約於二十夜。勵兵齊倚雲梯。屢攻不得上。延至天微曙。麟兵環城叫喊。呼父喚兄。聲震雲霄。忽蔡達前營周雲達開門接麟入。達聞城破。與其右營趙文魁帶其親隨百餘人遁去。從黃竹嶺奔回福州。淑入城。與應麟出示安民。飛報經捷。經封應麟奉明伯前提督。仍鎮守汀州。孟熊臣仍為兵備道。擢上杭知縣朱廷燦為河州知府。其餘照舊供職。蔡達奔至福州。見精忠哭告。應麟密通鄭藩。鄭師非意出江南。實假道圖汀州。精忠大怒曰。本藩之屈意備好者。欲全力出攻浙右。會師於江南。豈期共誓之墨跡未乾。遂即寒盟背約。收我叛將。侵我疆土。今宣納司曾福寧。

同吳三殺禮曹周文驥下漳州見經經曰汀州馬應麟原與敵員會師江西不意蔡達突生異念構釁於內若非本藩師旅今日已屬他人矣附會其說以答之六月曾福甯回覆經言精忠大悞其部下在外諸將益憂內顧七月中都尉徐光武見鄭師日迫人心皇皇密遣人馳書到衢州與馬九玉令其速請親王入關八月九玉遣心腹納款於和碩康靖王王大喜許保題厚爵九玉得命遂約十五夜退兵十六早探馬哨巡九玉營果空報親王王令寧海將軍喇哈達都統賴塔一等侯馬三奇總兵李榮隨征福建提督段應舉等尾後進兵以浙江總督李之芳為援按三奇字乾庵原福建提督馬得功子功死於海襲封一等侯迨三藩倡亂奇出家資養兵從征屢有建功

十八日九玉率眾不從仙霞回繞道常山玉山由河口分水關入閩業先遣人並徐光武書通知守興化後將軍馬成龍親王至清湖恐有賊兵未敢突進諭哈喇達令巡騎四探探果無備進兵石門次峽口又虞仙霞有守屯劄保安橋原漁梁守備把仙霞總兵王命庫原楓嶺把總總兵金應虎二人雜髮出迎喇哈達於關下之保安橋哈達用為前導引師過關興化守將馬成龍接九玉書知眾共謀請親王進關即

遣人往漳州見鄭經。獻興化府。經接啟。表封成龍為殄虜伯。援勦左提督。令許耀馳師入興化共守。又馳令到潮州。調何祐、江勝、林陞、洪羽、林應、許貴、鄭國選、馮騰龍、劉成良、王如虎、張國傑、王一新、陳昌、陳侃、曾偉等。陸續回漳州聽令。九月。精忠正在憂鬱之際。有王進、王可就二人。欲謀福省通於和碩康親王者。命校尉擒殺之。廣東尚可喜死之信。遣使到漳州。鄭經處報訃。並請其妹奔喪。妹係懷安侯沈瑞孀母。同瑞居廈門。經允其請。遣回。令禮官林桂入粵弔祭。吳三桂在衡州。聞可喜死。晉封尚之信為輔德親王。吳淑既得汀州。與應麟又下諸邑。遂瀝情飛啟云。

汀州居萬山之中。實係贛州廣信要隘。地方遼濶。歧路多雜。恐一旅之師。不足以守禦。況邇來偵報仙霞失守。親王大隊進關。祈迅發重兵前來協守。觀望。倘有別圖。亦足以進取。

經令左武衛薛進思督果毅後鎮吳祿。井宿鎮江仲聖。女宿鎮毛興奎。宿鎮鄭國選。角宿鎮吳桂斗。宿鎮王一新。牛宿鎮曾偉。木武鎮馮友魁。信武鎮張國傑。戎旗四鎮。馬騰龍。戎旗五鎮。高明等兵往汀州。並諭吳淑加意防守。相機而行。進思到江。分各鎮把守隘口。出寇溫台。左軍都督曾養性告請糧餉。精忠令布政司蕭震捐銀五千。

前去給散兵食。震以貧對。精忠大怒。初七日。令校尉擒震。絞於南門。薨城。差吏曹鄭章全徐鴻弼抄其家。搜刮銀十餘萬。精忠聞報。仙霞失守。親王入關。延建將危。即放平北將軍王進功回泉州。治兵應援。進功至泉。往謁鄭經。經表封進功為匡明伯中提督。

按進功於甲寅四月至省。為精忠所困。欲併其家。其子急而歸鄭。至鄭耿交好。進功之妻與子請於經。經修書與精忠。欲進功回。時精忠業以其女妻進功次子。精忠欲功字入省。方肯放功回泉。經欲執功先回。然後送其子入省完婚。爭執不定而中止。遂至三年。

精忠又與諸將商議。若有緩急。當航船入海。獨徐光武以為不可。豈有自為王而欲依於王者乎。殿下係皇親。倘能悔悟。皇上必不見罪。不可生疑畏而受禍。精忠意尚躊躇。光武按兵甚嚴。星馳密啟與親王。速進兵。恐有變。初十日。奉精忠命。看守原福建總督范承謨。禁卒有徐應虎者。以謨忠義可嘉。百計勸慰待時。後又受奉寧許鼎賄。托愈朝夕慇懃服侍。迨聞親王逾仙霞。眾議不肯下海。欲薙髮投誠。密通承謨。知為得見天日矣。謨笑曰。如是吾將不免。應虎曰。公何出此言。三年尚不相害。豈

至投誠又起殺心。謨曰：爾有所不知。彼必不敢活我，以存形跡。遂覓炭燼，畫絕命詞於壁曰：一笑襟開萬怒平。龍興有寺葬真卿。執旗厲鬼爭前導。盡掃穿牆穴壁甕。

十一日，親王遣官到省溫諭，許為保題。仍受王爵，鎮守福建。精忠方定議，十八日接詔。薙髮歸正。但虞承謨乃從龍望族，生回闕下，必大彰已過，不如除之以滅口。十六夜二鼓，差呂八帶人至幽室。承謨尚偃卧未睡，應虎報知。謨笑起曰：今日纔畢吾事。即披衣將行。而呂八威喝聲厲，謨怒目裂眦，舉手中械索摔之。為左右勸開，遂望北九叩首曰：罪臣奉職，不能為國家除此叛賊，死已遲矣。八愈憤，喝從者縊死。又往別室，勒死謨幕客家人，共五十三口。

按承謨，遼東蓋州人。壬辰進士。撫吳廉正有聲。迨擢閩督，值于甲寅三月望日，禁于幽室。絕粒求死者再。悉為守者防護，勸慰及耿平。事聞，聖祖有智不及展，勇不及施之語。褒之，諡曰忠貞。祀福州城內烏石山之南。

精忠於十八夜半薙髮待罪。親王知忠歸正，提師。十月初四日到洪山橋。初五日入城安民，傳檄各郡縣。其鎮守邵武將軍楊德羽，聞仙霞失守，九王退軍延平。親王

進關。耿藩已剃髮。即遣人到汀州。通吳淑。淑將汀州。交薛進思。劉應麟鎮守。淑與弟潛暨諸鎮。從寧化。越望高嶺。兼程趣邵武。與楊明邢羽共守。親王正在撫綏殘黎。忽報興化馬成龍舉城歸海。繼報鎮守邵武楊德邢羽亦延賊據城。鄭經聞精忠薙髮。與諸文武商議守禦。吏官兼宣慰使洪磊曰。耿藩勢逼。薙髮投誠。幸興化已歸順。速當治兵固守烏龍江。然當此任者。非磊步將許耀不可。經曰。許耀恐非主帥之才。宜令馬成龍督兵把守。磊曰。前者惠安之捷。追迫數十里。斬馘數千。遂使王進之宿將破膽。耿藩之强悍已和。今福州兵士聞耀名。率皆震恐。馬成龍乃新附之將。心腹未足深信。豈可假以重權。繩武曰。大凡出禦將帥。當使鄰邦畏懼。許耀名震福州。今之督禦烏龍江。甚得其人。宜委任之。經即馳諭興化。以耀為總督。督諸鎮兵馬進屯烏龍江。吏官都事陳駿音上啟有曰。

耿尚連和。漳泉安枕。雖未效先王航船入瓜鎮而取江南。亦當速命將鼓勇。由興寧而直搗贛州。大會周師。以倡義舉。何得聽吳淑煽惑。引師借道。信應麟私意。反兵據城。既敗兩國之好。隨失同仇之義。致耿藩勢窘。我師忙蹙。不知當事者作何主意。不以為怪。而反詡詡榮幸。臣恐禍不旋踵而至。

經示錫范繩武。范武以駿音老朽誕言。

按駿音。原隆武中書舍人石齋先生之弟子。時年七十有四。

十一月。耿藩左都督曾養性。接精忠檄。隨剃髮撤師。自溫台航海回閩。其部將朱天貴。不肯從養性投誠。將舟師悉附守鎮定海。奇兵鎮黃應。與水師一鎮蕭琛等。引眾邀擊養性歸師。獲船數十號。報捷。經大喜。授朱天貴為樓船右鎮。仍同黃應蕭琛等據守定海。分巡南日。烏洋各島。期會師進攻福州。

按天貴。興化莆田人。後投誠。官浙江平陽總兵。從施琅征澎湖。死于戰。

康親王接馬成龍獻興化歸海之報。恐賊兵窺侵福州。即會靖南親王耿精忠。將軍喇哈達。都統賴塔。一等侯馬三奇。都督曾養性。江元勳。馬九玉等。暨提督段應舉。列營數十里。踞守烏龍江之東。許耀接鄭經令。諭督江勝。林陞。王如虎。林應。張漢相。魏其志。李尚久。盧仁。黃良驥。許貴。施定華。尚蘭等。十二鎮。屯劄于烏龍江之西。營壘相對。陳駿音見贊輔荒悖。不急時政。復上啟有曰。

何其左右無謀。聽信煽惑。歡一時之苟合。構釁鄰邦。棄萬載之良策。失約周師。遂致前門拒虎者。反心難髮。今既如此。悔莫可及。速當命將統貔貅之眾。倍道出師。

武督舳艫之師。疾迅攻南臺。然後親統六師。水陸並進。臨江督戰。庶可冀成效。若復游移歲月。委擔他人。恐其禍不遠。

經將駿音啟示六官。陳繩武曰。凡為人生者。提調六軍。密授機宜。自然決勝千里之外。駿音不識大體。徒鼓狂言。遂出駿音為漳浦所之銅山安撫司將軍喇哈達。見賊兵烏合。與賴塔段應舉會議。乘沿江砲臺未備。伐木為筏。廣取船隻。渡兵過河。破敵。倘遷延日久。沿江布置。督一旅水師。從閩安而入。我師聲勢。必為彼所分矣。賴塔是之。令沿江所有船隻。悉取密藏港內。併伐竹木為筏。等候渡江。許耀泉之惠安人。健漢雄聲。有勇寡謀。依從洪磊之勢。偁同國軒之捷。當事者為天下莫敵。蓋世謀畧。迨授任主師。至江邊據營扼守。夜見東岸連營火光數十里。心懷疑畏。適江探者回報。稱滿漢騎兵步卒十餘萬。首程先鋒。係皆取藩諸將領馬上金鎗手。其次賴塔段應舉馬三奇李榮等。再次將軍喇哈達也。另有別隊。欲從南臺配船。由閩安而過。登岸合擊。耀聞之心愈慌。隨撥盧仁張漢相二鎮。帶本部兵士前往要口鎮守。防閩安一道。渡載登岸者。以王如虎領騎兵一千為先鋒。江勝督步旅三千為副。黃良驥許貴林陞林應四將。帶兵八千為左右救援。其餘防守沿河營壘。隨啟陳敵師十餘萬。非

十二鎮之力可禦。速當益兵固守。又請辭以材非總督。不敢任此重擔。恐誤封疆大事。又一啟。當此大敵。非侍衛馮錫范督領諸軍。亦當遣左提督趙得勝。糾率勁旅前來相機料敵。方可日出啟三四。接踵告急。經示繩武錫范曰。誇張敵勢。乃邊將故套。方以顯其功。耀之辭。不敢任總督者。示其謙也。此敵正欲觀耀之雄畧。遲遲不為意。經懦而無斷。亦為姑息。屢請援師不至。外雖誇張。在彼前來。不足吾一擊。內實乏策。指揮空費躊躇耳。十七夜三更。有耿藩隨正副將陳英。帶兵三百餘人。竊船渡江。相投。江勝與如虎接之。隨報耀耀令其眾暫過山後屯劄。俟明晨見之。如虎曰。本督當此兩軍相對。敵情未曉。幸有歸誠。急當見而詢之。庶便畫策。豈可以俟明日乎。耀方召陳英入見。面詢英曰。領先鋒者。耿藩之將金鎗手也。其賴喇為二三程。不日即欲渡江。又有一隊從閩安而來。所陳與偵者無異。耀懷益亂。十八日。會議沿江設備。陳英請曰。最重者蕭嶺脚炮臺。彼船欲候流退風順而齊過此。炮城上下可防五里。英蒙收錄。無微勞報効。願領守此城立功。耀以初附之將。未敢信任。隨擱之未定。二十日四更。潮退風順。馬九玉等領諸軍船筏如葉蔽江而下。耀得報。一面領諸鎮至江邊禦敵。一面飛調堵閩安路二鎮。回師助戰。九玉登岸。與王如虎江勝等死戰。雖未

分勝負。江元勳率金鎗手。從蕭嶺後炮臺登岸橫擊。銃如雨點。江勝王如虎不能支。陣遂亂。耀見如虎等陣亂。即督兵援之。亦敗退守蕭嶺。日將卓午。忽報下面騎兵飛奔雲至。是從關安來者。耀急令林陞盧仁等領兵往敵。甫離營。而九玉江元勳等騰湧前來。矢銃交至。難當。遂大潰。曾養性守烏龍江之東。清凉山上。望騎兵已登岸。廝殺。喜曰。背水陣成矣。賊可破也。江元勳等迫至宏路。方收軍。是役也。草木皆兵。殺賊六千餘級。獲輜重軍器。不可勝計。許耀抱頭而竄。至三更。抵漁溪。不敢安營。掠食而遁。天明至涵江。神稍定。方敢駐足。鄭經知耀大敗。即令趙得勝為帥。領何祐陳昌陳佩陳大烈等。星馳守興化禦敵。又馳諭潮州。調進忠帶兵救援。進忠不聽命。有自踞意。康親王以邵武乃上游要地。今為賊所踞。若不遣將平復。恐從延建出。煽惑奸民。貽害地方。令都統穆黑林胡免同中路總兵劉又昭。帶騎步兵一萬。進攻邵武。鄭經得邵武捷。加楊德為平鹵將軍。後勁鎮邢羽為折衝中鎮。並諭吳淑善觀方便。進取延建。合取福州。淑正在撫綏地方。分守隘口。忽報穆黑林領滿漢師進勦。十一月二十五日。淑率諸鎮劉長橋。以作犄角之勢。奈雪滿山頭。嚴凍難堪。十二月初三夜。偵報穆黑林大隊即至。淑恐其驟來衝突。令兵士據橋守險以待。其弟潛請曰。水到